

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DE REDONDELA PARA A EXECUCIÓN DO PROXECTO “ENSANCHE E MELLORA DA SEGURIDADE VIARIA NA E.P. 2906 OS VALOS - GUIZÁN, DENDE O PQ. 2+180 ATA O PQ. 2+920”.

En Pontevedra, a 29 de xuño de 2020

REUNIDOS

A Sra. María del Carmen Silva Rego, na súa condición de Presidenta da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do Réxime local.

A Sra. Digna Rosa Rivas Gómez, alcaldesa do Concello de Redondela, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, reguladora das bases do Réxime local.

O Sr. D. Carlos Cuadrado Romay, Secretario da Deputación Provincial de Pontevedra, dando fe do acto.

Ambas partes recoñécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas

MANIFESTAN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de Réxime Xurídico do Sector Público, 57 da Lei 7/85, de 2 de abril, reguladora das bases do Réxime local e 198 e seguintes da Lei 5/97, de 22 de xullo, de Administración local de Galicia.

II.- Que a Deputación de Pontevedra, está concienciada sobre a necesidade de aumentar a seguranza viaria en toda a rede de estradas da provincial, facendo especial fincapé nos tramos que



transcorren por espazos urbanos ou núcleos rurais dos distintos concellos, dando cumprimento á asistencia que debe prestar segundo disposto no artigo 36 da Lei 7/85, de 2 de abril, Reguladora das Bases de Réxime Local. Por ese motivo, o organismo provincial quere levar a cabo intervencións neste senso no seu propio viario e está a facer una replanificación profunda e conceptual das actuacións en materia de mobilidade, con especial fincapé na protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que vías provinciais ofrezan unha mobilidade universal nun espazo continuo de seguranza viaria.

III.- Que segundo dispoñen os artigos 26.1 da Lei 7/1985, de 2 de abril, reguladora das bases do Réxime local e 81 da Lei 5/1997, de 22 de xullo, de Administración local de Galicia, os municipios deberán prestar ós seus cidadáns, determinados servizos públicos en función da súa poboación.

IV.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións impostas pola normativa vixente.

V.- A Deputación de Pontevedra é titular da estrada provincial E.P. 2906 Os Valos - Guizán, que transcorre polo Concello de Redondela e ten unha lonxitude de 2.921 m.

VI.- Que na actualidade, os núcleos de poboación de Os Valos e Guizán atópanse conectados mediante a antedita estrada provincial, que presenta múltiples cruces en enlaces viarios da rede municipal. A calzada está composta por un firme onde se formalizan dous carrís de circulación, completados cunha beiravía de acabados e dimensións variables o que provoca que en moitos treitos o uso peonil non se poida realizar con plenas garantías de seguridade. Ademais, ao longo da estrada acompañan o trazado os tendidos



aéreos de subministros eléctricos e de telecomunicacións, así como a rede de alumado público que alimenta os báculos que alumean a estrada en todas as zonas habitadas e as súas proximidades.

VII.- A actuación sitúase nun tramo de aproximadamente 740 metros, dende o P.Q. 2+180 ata o P.Q. 2+920 da estrada provincial E.P. 2906 Os Valos - Guizán.

O proxecto pretende dar solución a problemas existentes, así como satisfacer necesidades do propio vial, das súas infraestruturas e do seu entorno mediante a modificación da sección da estrada e a creación dun carril peonil e ciclista. Polo tanto, coa presente intervención preténdese contribuír a redución de emisións de gases de efecto invernadoiro, fomentando o uso do transporte limpo, ciclista e peonil e disuadindo ademais mediante a redución de velocidade a 30 km/h o transporte de vehículos emisores de gases.

A solución proposta neste proxecto formúlase sobre a plataforma actual da calzada, con solucións destinadas á mellora da mobilidade e calmado do tráfico como son a execución dunha beirarrúa peonil, ampliación da beiravía, a creación dunha zona de convivencia entre peóns e vehículos ou a construción dun novo carril de uso compartido bicicletas/peóns, entre outros.

Con esta actuación conseguirase que se intercalen espazos de redución de velocidade e prioridade peonil, o que reducirá a velocidade de circulación pola estrada, o tráfico da calzada, mellorará as condicións de seguridade no uso peonil e fomentará o uso do vieiro polos peóns e as bicicletas.



VII.- Con fundamento en canto queda exposto, e sendo patente a vontade de colaboración das Entidades comparecentes, ámbalas dúas partes acordan a subscrición do presente convenio, consonte ás seguintes:

CLÁUSULAS

Primeira.- Obxecto:

O obxecto do presente convenio é o establecemento das condicións que rexerán a colaboración entre o Concello de Redondela e a Deputación de Pontevedra, para a execución do proxecto de “Ensanche e mellora da seguridade viaria na E.P. 2906 Os Valos – Guizán, dende o p.q. 2+180 ata o p.q. 2+920 (Concello de Redondela)”.

As unidades de obra comprenden á creación de dous carrís, unha senda de uso compartido bicicletas-peóns e zonas de convivencia entre vehículos e peóns. Ademais mellorarase a seguridade viaria coa instalación de pasos de peóns e redutores de velocidade. A actuación se completa con alumado e infraestrutura para rede de telecomunicacións.

Segunda.- Importe.

O importe o que se refire a presente actuación ascende a trescentos trinta e dous mil cincocentos trece euros con sesenta e tres céntimos (332.513,63 €) en Base Imponible máis sesenta e nove mil oitocentos vinte e sete euros con oitenta e seis céntimos (69.827,86 €) en concepto de IVE, o que ascende a un orzamento total de catrocentos dous mil trescentos corenta e un euros con corenta e nove céntimos (402.341,49 €).

Terceira.- Financiamento.

Os investimentos necesarios para a realización das mencionadas obras serán financiados pola Deputación de Pontevedra e o Concello de Redondela mediante a achega das cantidades relacionadas de seguido:

	<i>Aportación</i>	<i>%</i>
<i>Deputación de Pontevedra</i>	<i>281.639,04 €</i>	<i>70</i>
<i>Concello de Redondela</i>	<i>120.702,45</i>	<i>30</i>



	€	
TOTAL INVESTIMENTO	402.341,49	10
	€	0

A Deputación de Pontevedra financiará 281.639,04€ (70 %) con cargo a aplicación 20/456 4530 612.02.

A achega do concello será de 120.702,45 € (30%) a cargo da correspondente subvención do Plan Concellos 2019 e pola que se xerará crédito na devandita aplicación orzamentaria.

Estas operacións deberán efectuarse, unha vez aprobado o convenio, e antes de aprobar o expediente de contratación correspondente, debendo acreditarse naquel a plena dispoñibilidade de todas as achegas, tendo en conta o disposto no artigo 116.5 da LCSP.

Os demais gastos derivados da actuación obxecto do presente convenio, tales como os contratos de servizo accesorios para a dirección control e seguimento da execución de obras ou os derivados do retranqueo de servizos afectados, serán financiados pola Deputación de Pontevedra.

Cuarta.- Incidencias no desenvolvemento da obra.

Calquera incidencia que poida xurdir no desenvolvemento das obras, por causas imprevistas e que obriguen a unha modificación do proxecto e se produza un incremento do custo, será financiada de conformidade cos coeficientes dispostos na cláusula terceira. No caso de producirse unha diminución, sempre que a achega do concello sexa con cargo a fondos propios, será devolta a cantidade sobrante.

Quinta.- Obrigas do Concello.

O Concello de Redondela obrígase a:

- 1) Obter as correspondentes licenzas que fosen precisas.*
- 2) Solicitar a transferencia dos viarios que a continuación se relacionan, de conformidade co establecido na Lei 8/2013, do 28 de xuño, de Estradas de Galicia e Real Decreto 66/2016, tendo carácter o presente convenio de documento de solicitude formal de iniciación do procedemento:*
 - Estrada provincial E.P. 2903 Redondela - Catapeixe*
 - Estrada provincial E.P. 2905 Acceso a Arealonga*



- 3) *Levar a cabo a conservación, mantemento e explotación da infraestrutura obxecto deste convenio salvo na zona de circulación de vehículos, logo da comunicación da Deputación de Pontevedra da finalización das obras.*
- 4) *Antes da sinatura do presente convenio, o concello deberá achegar á Deputación de Pontevedra o compromiso do acordo adoptado polo órgano que legalmente teña atribuída a competencia conforme á lexislación propia do Réxime Local, á que fan referencia os apartados anteriores.*
- 5) *Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.*

Sexta.- Obrigas da Deputación Provincial de Pontevedra.

- 1) *Correspóndelle a redacción do proxecto técnico para a execución das obras obxecto deste convenio, así como tramitar ante outros organismos as autorizacións pertinentes que fosen precisas.*
- 2) *Correspóndelle a licitación, dirección, execución e recepción das obras.*
- 3) *Unha vez producido o acto formal de recepción das obras pola Deputación de Pontevedra, esta porao en coñecemento do Concello de Redondela, entendéndose que tal comunicación determina o momento da obriga asumida polo Concello na cláusula quinta 3) precedente, sen prexuízo das responsabilidades que correspondan ao contratista derivadas do contrato de obras e para esixir o cal, a Deputación de Pontevedra, poderá adoptar todas as medidas que considere necesarias.*
- 4) *Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de Réxime Xurídico do Sector Público e da súa normativa de desenvolvemento.*
- 5) *Antes da transferencia efectiva dos viais, a Deputación de Pontevedra levará a cabo as actuacións de conservación correspondentes ao ano 2020.*



Sétima.- Compensación de débedas:

O Concello de Redondela faculta expresamente á Deputación para reter e compensar con cargo ás cantidades que lle poidan corresponder toda clase de débedas vencidas e pendentes de pago.

Oitava.- Comisión de seguimento e control:

Para o seguimento e control do cumprimento do presente convenio , así como para aclarar as dúbidas que suscite a súa interpretación, constitúese unha Comisión de Seguimento da que forman parte a presidenta, a alcaldesa ou persoas en quen deleguen, o Secretario da Deputación de Pontevedra ou persoa en quen delegue e un representante técnico de cada Administración.

As súas funcións, entre outras, serán as seguintes:

- Impulsar e avaliar o cumprimento do presente convenio, propoñendo as actuacións que se consideren precisas.*
- Propoñer a interpretación, en caso de dúbida, do contido do mesmo.*
- En caso de que xurdiran controversias na aplicación do convenio, propoñer ás partes a resolución das mesmas.*

Esta comisión reunirse dentro do prazo de tres días, a contar dende a petición expresa realizada por calquera delas.

Novena.- Vixencia do convenio:

O presente convenio entrará en vigor na data da súa firma e terá vixencia ata o remate das obras obxecto do convenio, en todo caso ata o 31 de decembro de 2020.

A vixencia do presente convenio poderá prorrogarse coa conformidade expresa das partes intervenientes.

Décima.- Resolución:

Serán causas de resolución o incumprimento das obrigas derivadas deste convenio de conformidade co disposto na normativa vixente.

Undécima.- Normativa aplicable:

O presente convenio ten natureza administrativa, rexéndose polas cláusulas establecidas e

- Lei Bases de Réxime Local, de 2 de abril, Reguladora das bases de Réxime Local.*



- *Lei 5/97, de 22 de xullo, da Administración Local de Galicia.*
- *Lei 40/2015 de 1 de outubro, de Réxime Xurídico de Sector Público*
- *Bases reguladoras da execución do orzamento da Deputación de Pontevedra para o exercicio 2019.*
- *E demais normativa de obrigado cumprimento.*

Asemade, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula novena, na resolución de posibles controversias que puideran suscitar o incumprimento ou interpretación do convenio.



Pode verificar a integridade deste documento
no enderezo: <https://sede.depo.gal>

Código seguro de verificación (CSV): YRLBK3WVNGY41SN2

E en proba de canto antecede, as partes que interveñen asinan o presente convenio, por duplicado e a un só efecto, no lugar e na data sinalados no seu encabezamento.

Documento asinado electronicamente

